

吳文節公遺集

吳文節公遺集卷七目錄

奏議

買米解閩摺

添設腰站片

買米解閩片

鑄造礮位摺

採辦硝斤摺

停止買米赴閩片

暫緩鼓鑄摺

審擬新喻縣革生糾搶摺

吳文節公遺集卷七

男養原謹編

奏議

買米解閩摺

奏爲籌款買米解閩以濟軍糈恭摺馳

奏仰祈

聖鑒事竊

臣

接准福建撫

臣

劉鴻翱函稱現在暎夷犯

順廈門失守閩省軍興之際米糧不足

奏明於江西採買或動碾倉穀解閩濟用其價值卽於

撥解餉中坐扣等因

臣

思閩省現際軍興籌備兵糧爲

第一要務且廈門失守恐臺米一時不能接濟必須趕緊籌撥以濟兵民之食惟動碾倉穀既恐有需時日而各州縣道途遠近不一解運亦費周章查江西省本年雖有被水之區均止一隅於通省收成大局尙無妨礙自應卽行採買解往以期迅速現已飭屬在於附近水次米糧聚集之區趕緊設法購米十萬石委員解運赴閩其應發米價運脚等項約需銀二十餘萬兩查福建撥解餉銀尙未奉文應請在於江西省道光二十一年秋撥冊存報撥銀五十一萬餘兩之內酌留銀二十五萬兩按照實在市價核實支用事竣造冊報銷據藩司

趙炳言等會詳請

奏前來理合恭摺馳

奏伏乞

皇上聖鑒訓示謹

奏道光二十一年八月初四日奏奉

硃批另有旨欽此

添設腰站片

再逆夷現在福建滋擾廈門失守江西與閩毘連往來  
軍務文報最關緊要必須加緊馳遞惟各該縣驛相距  
自六十里至一百六十里不等程站既遠額馬無多兼

之山路窄狹行走不能迅速現據臬司存興查照前辦  
赴粵驛站添備腰站馬匹章程分飭通閩各屬於驛路  
適中之地添設腰站馬匹以資馳遞會同藩司趙炳言  
具詳請

奏前來除飭將添設腰站幾處及增添夫馬支銷銀數  
由司造冊詳咨送部外謹先附片具

奏伏乞

聖鑒訓示謹

奏道光二十一年八月十三日奏奉

硃批依議欽此

買米解閩片

再八月二十七日接准軍機大臣字寄奉

上諭吳文鎔奏籌款買米解閩一摺閩省籌備兵糧自係要務但江西亦有被水地方若採買較多恐於民食不無妨礙此次著購米五萬石委員解運赴閩其應發價值卽著酌留銀十餘萬兩應用餘仍照數撥解等因欽此遵查前准福建撫

臣

劉鴻翱以廈門失守軍興之

際米糧不足函商於江西採買解閩濟用當經

臣

奏明酌購米十萬石解運赴閩節據南昌新建二縣陸續報買米四萬石飭司分批委員起解嗣經探聞閩省

廈門業已收復

臣

因思臺灣商販或可無阻卽飭令該

縣等將未買米六萬石暫停採購並經咨詢福建撫

臣

查覆辦理尙未接准咨覆茲欽奉

諭旨著購米五萬石解閩等因

臣

謹恭錄咨會福建撫

臣

查照覆辦如尙須協濟當遵

旨再行補買米一萬石解往倘毋須接濟卽可停止其  
買米價值運費等項已據藩司趙炳言議請在於部撥  
江西解閩軍需銀二十萬兩內酌留銀十二萬五千兩  
核實支用報銷餘銀七萬五千兩遵

旨先行撥解赴閩如閩省米石毋須再買酌留之銀仍



有餘存卽儘數補解閩省至江西省晚稻均已漸次登  
場米價尙屬平減足紓

宸廑所有現辦緣由

臣謹附片具

奏伏乞

聖鑒謹

奏道光二十一年九月初七日奏奉

硃批依議欽此

鑄造礮位摺

奏爲奉

旨鑄造礮位江西省並無諳習工匠現在設法辦理恭

摺由驛覆

奏仰祈

聖鑒事竊

臣

於本年九月十七日接准軍機大臣字寄

道光二十一年九月初六日奉

上諭現在逆夷滋擾浙江已降旨飭令劉韻珂嚴防痛  
剿並多鑄礮位備用矣江西界連閩浙亦應加意豫籌  
著吳文鎔迅卽派員雇覓工匠將礮位多多鑄造或銅  
或鐵分兩各重數百斤至二三千斤不等以備調撥等  
因欽此

臣

查逆夷在浙猖獗急須痛剿礮位爲軍中要

需自應欽遵

諭旨迅卽鑄造以備調撥惟江西省向無諳習礮匠前於本年正月間因夷匪在粵滋擾欽奉

諭旨飭令江西鑄造銅礮當經前撫

臣

錢寶琛

奏明酌撥銅斤派員前赴廣東就近設廠召匠鑄造在案茲欽奉前因

臣

卽督同藩司查明局庫所存堪以鑄

礮之洋銅尙存五萬餘斤應需鐵斤亦可就近購買惟鑄礮工匠徧加察訪實無諳習之人不勝焦急因思前派赴粵鑄礮委員將次竣事自可飭令趕緊雇帶工匠回省監督鑄造

臣

已飛咨粵省靖逆將軍及廣東督

臣

於前派赴粵鑄礮委員內酌飭一員雇同諳練工匠星

步方集卷之十一  
速趕回鑄造一面咨詢湖南撫臣楚省如有諳習礮匠  
卽雇數十名委解來江以資幫辦並先派委自粵監鑄  
礮位回省之候補知縣曾猷沛及外委朱拔元先行設  
廠儲料伺應一俟粵省委員雇帶工匠回省立卽興工  
趕緊鑄造聽候調撥所有江西省向無鑄礮工匠現在  
設法辦理緣由臣謹恭摺由驛覆  
奏伏乞

皇上聖鑒謹

奏道光二十一年九月二十六日奏奉

硃批速行知照釐辦欽此

採買硝斤摺

奏爲江西動絀硝斤委員改赴湖南採買以備操防恭摺

奏祈

聖鑒事竊照江西各營每年需用及儲備硝斤向係委員赴豫採辦現在額貯硝斤疊因福建廣東等省借撥動絀存營無多急須趕緊買補先據藩司酌請採購淨硝十六萬斤查照成案分批委員前赴豫省買運頭批委員應買淨硝八萬斤業已發價給咨前往採買二批尙未起程

臣

因本年河南祥符等處黃河決口水溢地

涇硝斤難期旺產兼之海氛未靖各省委員齊集採買  
過多誠恐有誤軍需而江西動絀硝斤又急應買補以  
備操用因思湖南亦係產硝之區如可分購似較妥速  
當經函詢湖南撫臣吳其濬飭查覆辦茲准覆稱暫時  
通融尙可設法辦理惟採買既多恐不能扣定例價購  
辦等因臣查湖南既可通融勻購所有江西現委赴豫  
之二批委員應卽令改赴湖南採辦以冀妥速除飭司  
核給腳價銀兩飭令往購外所有江西省動絀硝斤委  
員改赴湖南採買緣由謹恭摺具

奏伏乞

皇上聖鑒訓示謹

奏道光二十一年九月十五日奏奉

硃批知道了該部知道欽此

停止買米赴閩片

再江西代購閩省兵糈前經買就米四萬石並於應解閩省軍需銀內酌留價值運費銀十一萬五千兩預備支用先後

奏明在案所有買存之米陸續解過一萬二千石尙存二萬八千石未經起運其時

臣

因接准浙江撫

臣

劉韻

珂咨會以浙中米價騰貴

奏明委員前來江西等省招商販運而江西各屬晚收亦屬中稔竊恐外販較多價值增昂有妨民食計閩省臺販已通或買存未解之米毋庸再行解往接濟卽擬改撥浙省當經分別咨詢去後茲准閩浙撫臣先後咨覆各該省米糧現在均已足敷支用可以毋庸協濟等因前來所有江西省買存未解閩省米二萬八千石自應毋庸撥解以省糜費臣已飭屬糶價歸欵其前次酌留閩省軍需銀十二萬五千兩除將已解米一萬二千石應需價脚等費扣除支用外餘銀亦飭藩司核明儘數找解福建以清欵項理合附片奏



聞伏乞

聖鑒謹

奏道光二十一年十一月十五日奏奉

硃批知道了欽此

暫緩鼓鑄摺

奏爲錢價有減無增據實奏懇

天恩仍暫緩開鑄以平市價仰祈

聖鑒事竊

臣

接准部咨欽奉

上諭戶部奏請飭催各省開鑄一摺著各督撫務照每年應鑄卯額迅速開鑄如銀價實有未平著體察情形

將卯額奏明酌減其有鉛勦不敷之處亦著趕緊購辦毋稍遲逾等因欽此臣查江西省寶昌局前因錢價過賤有關兵民生計經前撫臣裕泰於道光十七年十月間奏奉

諭旨暫停鼓鑄計今四年有餘自應遵

旨開鑄惟

臣

體察情形前次十七年間各屬錢價每千

尙能易換紋銀六錢八九分至七錢今則每錢千文止能易銀五錢八九分至六錢不等較之前時有減無增兵民生計甚艱現在日望其平復似未便遽議開鑄卽或將卯額酌減鼓鑄搭放而民間制錢旣增則價值勢

必日賤平復尤難况制錢搭放兵餉等項每千例作銀一兩核計所短甚鉅當此海氛未靖之際江西與閩粵浙江三省接壤各營兵丁或調往征剿或派赴緊要隘口防堵巡緝差務繁重起程時尙有借領銀兩將來凱旋例應坐扣還欸所得既不能全領如再搭放錢文則左支右絀尤不免於竭蹶據藩司鹽法道會議詳請覆奏前來相應仰懇

皇上天恩俯准將江西省寶昌局額卯錢文仍暫停開鑄俟海洋肅清後再行察看情形如果錢價得漸平復另行

奏請開鑄搭放斷不敢稍任延誤所有江西省現在錢  
價有減無增應仍暫緩開鑄緣由理合據實恭摺覆  
奏伏乞

皇上聖鑒訓示謹

奏道光二十一年十一月二十九日奏奉

硃批另有旨欽此

審擬新喻縣革生糾搶摺

奏爲遵

旨審明定擬恭摺

奏祈

聖鑒事竊照新喻縣已革生員劉華等寫布傳單勒派  
訟費不遂糾搶袁玠等錢物一案經前撫臣錢寶琛附  
片具

奏欽奉

諭旨此案江西生員劉華等流布傳單煽惑鄉愚勒派  
訟費實屬不安本分著該撫飭屬查拏嚴究確情按例  
定擬具奏欽此當卽轉行欽遵查拏去後嗣據該縣等  
拏獲周三仔郭迪汝周禮沅胡受財並宋發明彭含章  
羅超遠彭幅來易德盛周德受解省發委南昌府等提  
訊因各犯均供係乘機搶奪得贓無幾核與事主袁玠

原報贓數懸殊飭傳質訊未到詳經咨部展限茲據續  
獲首犯劉華及萬冠羣宋邦佐解省並據事主袁玠之  
子袁鳳凌投案由南昌府知府倪良燿訊供議擬聲明  
胡受財一犯在新建縣管押病故等情將劉華等各犯  
解由臬司存興覆審解勘前來臣親提研鞫緣劉華籍  
隸新喻縣於道光六年考取府學生員嗣因不守學規  
經學詳報註劣與另案獲辦之萬幅彩胡尙友均係戚  
好道光十八十九等年萬幅彩與胡尙友因把持漕務  
設局歛錢抗官拒捕案內解經前撫臣錢寶琛審擬斬  
遣具

奏二十一年正月十二日

欽差戶部右侍郎麟魁來江西查辦閩廣烟匪案件經過新喻縣地方劉奉聞知起意向各花戶勒派錢文幫作訟費爲萬幗彩等翻告既可見好戚友又可從中漁利當與素好在逃之萬廣蕤王心相商萬廣蕤王心允從劉奉等遂妄稱

欽差來江係查辦新喻一案捏造吩咐照案公辦諭言寫立傳單按村散布令各花戶湊錢交收以作訟費職員袁玠知係哄騙不肯出錢各花戶亦觀望不給十四日劉奉因挾袁玠不允出錢之嫌起意糾搶袁玠店內

錢物洩忿復商同萬賡堯王心分投糾允現獲之萬冠  
羣宋邦佐周三仔郭迪汝周禮沅病故之胡受財在逃  
之周伯牙謝德寶萬十狗張全盛謝德才廖洪一胡家  
珍郭德新萬學雅萬沅馨萬貞詳胡濟川王得勝一共  
十九人劉羣萬賡堯王心未經同行萬冠羣等徒手走  
至袁玠與弟袁理合開豫慶號店內搶得銅錢五十七  
千文鹽四十六包棉花十六包白布十二疋維時現獲  
之宋發明彭含章羅超遠彭幅來易德盛周德受同不  
識姓名多人因看燈進城見萬冠羣等在袁玠店內搶  
奪各自進店觀看時人多擁擠袁玠與店夥照顧不及



宋發明彭含章羅超遠彭幅來各乘間拏取袁玠店內  
棉花十斤至十五斤不等易德盛拏取錢二千文周德  
受拏取錢三千文其餘銀錢鹽布等物俱被不識姓名  
人搶散萬冠羣等將所搶各贓變賣得錢同搶得錢文  
均分花用劉羣又先於正月十三日因聞該縣飭差查  
拏主使周伯牙謝德寶萬十狗張全盛謝德才廖洪一  
胡家珍郭德新剝取縣差李全李常朱盛鍾文衣服鞋  
帽欲使差役畏懼不敢捕拏所剝衣物亦經周伯牙等  
賣錢分用袁玠等報縣勘驗詳緝並將劉羣詳請褫革  
經前撫臣錢寶琛附片

奏明欽奉

諭旨查拏嚴究嗣據拏獲周三仔等解省發委南昌府等提訊宋發明等六犯供認乘間攫取並非劉萃糾往因周三仔等各犯亦狡供乘機搶奪得贓無幾核與事主袁玠原報贓數懸殊飭傳質訊未到詳經咨部展限茲據續獲劉萃等解省並據事主袁玠之子袁鳳凌投案由府司訊明議擬詳解臣親提研鞫各供前情不諱臣以袁玠所報被搶贓數估銀五百十五兩零現在劉萃等供認搶贓僅值九十八兩七錢九分餘贓供被不識姓名人搶散恐係避就卽宋發明等六犯所供因赴

店觀看各自乘間攫取些微錢物並非聽從劉華同夥往搶亦恐狡飾且該犯劉華既敢捏造

欽差諭旨布散傳單更難保無另犯不法復向該犯等逐加嚴究各供如前案無遁飾查律載詐傳一品二品官言語吩咐公事有所規避者杖一百徒三年又與人鬪毆因而竊取財物者計贓准竊盜論奪去者加二等免刺又例載搶奪贓至八十兩以上卽按律遞加竊盜罪二等又兇惡棍徒屢次生事行兇無故擾害良人者發極邊足四千里安置各等語此案劉華糾合萬冠羣等十九人搶取袁玠店內錢物計贓九十八兩零訊俱

徒手往搶並無執持器械惟該犯劉羣先則捏造

欽差諭言散布傳單按村派費希圖爲另案獲辦之萬  
幟彩等翻告幫訟從中漁利嗣因袁玠不允出錢糾合  
多人搶奪得贓並主使周伯牙等剝取縣差衣物欲使  
畏懼不敢捕拏種種生事擾害實爲棍徒之尤自應按  
例問擬已革生員劉羣除詐傳一二品官言語律止滿  
徒輕罪不議外合依兇惡棍徒屢次生事行兇無故擾  
害良人者發極邊足四千里安置例擬發極邊足四千  
里到配杖一百折責安置係已革生員挾嫌糾搶並未  
同行所犯尙非卑污下賤照例免其刺字萬冠羣宋邦

佐周三仔郭迪汶周禮沅胡受財聽從搶奪袁玠等店內錢物合依搶奪賊至八十兩以上遞加竊盜罪二等例於竊盜賊九十兩杖一百徒三年加二等杖一百流二千五百里罪上減一等杖一百徒三年萬冠羣另有幫同萬幘彩鬧漕飲錢一案罪亦應徒與此案罪名相等應歸此案擬結宋邦佐據供母老丁單有無捏飾飭縣查明取結辦理胡受財業已在押病故應無庸議餘俱定地發配折責充徒仍照例各於左面刺搶奪二字宋發明等因見萬冠羣等在袁玠店內搶奪各自進店觀看乘間攫取些微錢物並非與萬冠羣等一起夥搶

核其情節亦與實在搶奪有間自應酌量問擬宋發明彭含章羅超遠彭幅來攫取棉花計贓在一兩以下均請比照與人鬪毆因而竊取財物者計贓准竊盜論奪去者加二等律於竊盜贓一兩以下杖六十罪上加二等各擬杖八十易德盛周德受攫取銅錢計贓在一兩以上十兩以下各於竊盜贓一兩至一十兩杖七十罪上加二等擬杖九十分別折責發落以示懲儆仍照律免刺未起各贓照估追賠起獲傳單案結銷燬逸犯萬賡堯等飭緝獲日另結劉華先因不守學規經學報劣失察職名免其開送除全案供招咨部外合將審擬緣

由恭摺具

奏伏乞

皇上聖鑒勅部核覆施行謹

奏道光二十一年十一月二十九日奏奉

硃批刑部議奏欽此

吳文節公遺集卷八目錄

奏議

防堵湖北匪徒摺

添兵防堵摺

拏獲楚省匪黨摺

續獲楚省逃匪摺

籌辦火攻夷船摺

買米運蘇片

恭報起程閱伍摺



吳文節公遺集卷八

男養原謹編

奏議

防堵湖北匪徒摺

奏爲派委官兵前往交界處所堵拏湖北省滋事匪徒並預籌防備情形恭摺由驛奏

聞仰祈

聖鑒事竊

臣

於本月二十一日接准湖北撫

臣

趙炳言

咨會湖北崇陽縣有匪徒鍾人杰聚眾攻城搶劫滋事令卽飭屬堵緝等因

臣

查崇陽地方與江西之義甯州

緊連必須迅速嚴防堵緝當卽由省派委撫標右營守備楊朝安帶兵五十名並委候補同知文海候補知縣張廷杰酌帶銀兩槍械火藥前往會同該州相機堵捕並飭與該處相近之武甯等縣營一體防緝去後旋據義甯州知州周玉衡稟報探得崇陽縣滋事匪徒人勢甚眾經該州親赴各隘口相度情形勸諭各鄉村自行團練義勇每處自三五百至一二千不等設立壁壘列卡分守協力防堵並移營會同僚屬分段巡防已屬嚴密臣復檄行就近之袁州協吉安營各挑精兵一百五十名省標挑選精兵二百名先行預備一面確探該匪

徒等如有竄入江省之勢立即飛速馳往會捕並飭署  
臬司葉名琛親往督辦斷不任令蔓延亦不敢稍涉張  
皇致滋紛擾所有現在派兵前往堵拏並預籌防備情  
形謹恭摺由驛奏

聞伏乞

皇上聖鑒訓示謹

奏道光二十一年十二月二十五日奏奉

硃批另有旨欽此

添兵防堵摺

奏爲添調官兵前赴義甯州堵拏湖北省滋事匪徒並

委臬司親往督辦緣由恭摺由驛奏

聞仰祈

聖鑒事竊

臣

前准湖北撫

臣

咨會湖北崇陽縣有匪徒

鍾人杰聚眾滋事等因當經由省派委文武員弁帶兵前往與該處緊連之義甯州相機堵捕恭摺由驛奏

聞在案茲准兩湖督

臣

裕泰咨稱該匪約有二三千人

佔據崇陽縣城扼險抗拒現在添調官兵勦辦等因

臣

查該匪等以烏合之眾羣聚滋事既經楚省調兵痛勦自無難一鼓殲擒惟崇陽與江西之義甯州壤地毗連倚山爲界其間如三界尖定子邱小山嶺苦竹嶺等處

均屬緊要隘口楚省攻捕旣嚴難保不竄逃江境亟宜  
嚴密防堵斷其後路臣接准咨會卽飛飭署袁州協副  
將博春將前令挑備之精兵一百五十名由該將親身  
統領星夜馳赴義甯州會督銅鼓營都司湯文燦及前  
次由省調往之文武官兵暨該州所練義勇土兵分派  
布置嚴密防堵並飭委署臬司葉名琛馳往督辦設遇  
該匪竄逃入境立卽併力撲捕斷勿任令蔓延所有現  
在添兵前赴堵拏並臬司親往督辦緣由謹恭摺由驛  
奏

聞伏乞

皇上聖鑒訓示謹

奏道光二十一年十二月二十九日奏奉

硃批另有旨欽此

拏獲楚省匪黨摺

奏爲拏獲楚省匪黨汪金燦等委員解歸審辦並探聞賊勢窮促情形恭摺由驛奏

聞仰祈

聖鑒事竊照湖北崇陽縣匪徒鍾人杰等聚眾滋事江西連界地方籌防情形節經

臣恭摺奏

聞在案

臣

因江西之義甯州與楚省崇陽通城二縣接

壤現在該二縣被賊佔踞誠恐逆黨潛入江境竊探滋  
擾節飭在事文武及派往督防之署臬司葉名琛懸賞  
購線留心偵緝並曉諭地方紳民一體盤詰查拏去後  
茲於正月二十五日據署臬司葉名琛稟據義甯州知  
州周玉衡等盤獲形跡可疑之僧昌遠熊涼元孫佑明  
三名又於二十六日稟據義甯連界之通城縣八仙臺  
地方廩生葛夢庚等協同兵弁眼線拏獲逆黨汪金燦  
卽汪大生一名並於該犯身邊搜出黃布令旂一面及  
汪敦簇所給偽示一紙等情臣卽派委弁兵提解來省  
親提研訊據汪金燦卽汪大生供崇陽縣人鍾人杰係

伊兒女姻親汪敦簇係伊同堂弟兄上年十二月間鍾人杰與汪敦簇陳寶銘吳石川金煥先黃成列等糾眾先後攻佔崇陽通城二縣伊曾受僞職與汪敦簇把守通城本年正月間汪敦簇給伊黃旗一面告示一張令赴各鄉向富戶勒派錢米被葛夢庚等協同兵役獲解詰其鍾人杰等如何起意謀逆同夥實有幾人該犯堅稱伊因先未預謀未知詳細不肯吐實提訊僧昌遠熊涼元孫佑明均供係義甯州人僧昌遠稱在通城縣小九觀住持經匪黨王華陰等叫去當兵熊涼元孫佑明稱在崇陽縣地方求乞貿易被匪黨捉去脅令當兵後



各乘間逃回被獲等語臣查汪金燦一犯隨同逆匪拒守縣城並聽從勒派錢穀已據供認不諱本可立正

典刑惟該犯係首逆鍾人杰等親屬究竟鍾人杰等如何起意謀逆該犯曾否預謀現在堅不吐實恐將來楚省擒獲鍾人杰等該犯尚有應行質究之處自應將該犯汪金燦解赴楚省歸案辦理盡法懲治至僧昌遠等三犯供係被脅從逆乘間逃回均難保非狡飾亦應解歸質審懲辦以昭核實除派委員弁將各犯同起獲布旂等件小心解赴楚省並咨明湖北督撫臣查照辦理外臣謹恭摺由驛奏

聞伏乞

皇上聖鑒訓示再

臣

現准湖北督

臣

裕泰等咨會楚省

官兵連獲勝仗現在分道進剿並據江省文武委員探報首逆鍾人杰汪敦簇等已經就獲是該匪等勢已窮促不日即可掃除但恐餘黨被追情急分赴各處竄匿臣已飛飭在事文武嚴密堵捕勿任漏網合併附陳仰慰

聖廑謹

奏道光二十二年正月二十五日奏奉

硃批堵緝甚屬認真所奏俱悉欽此

續獲楚省逃匪摺

奏爲續獲楚省逃匪解歸審辦並撤回防堵官兵緣由  
恭摺奏

聞仰祈

聖鑒事竊照前據義甯州知州周玉衡等拏獲湖北崇  
陽縣滋事匪黨汪金燦卽汪大生並僧昌遠熊涼元孫  
佑明等四名業經臣

奏明解楚辦理在案嗣

臣

因楚省首匪鍾人杰等就獲

餘黨潰散誠恐逃入江境復又諄飭在事文武嚴密查  
緝去後茲據署臬司葉名琛稟據義甯州知州周玉衡

暨文武委員等緝獲逆匪頭目一名訊供亦名汪金燦  
先經鍾人杰派伊在崇陽縣三井下地方督同匪黨設  
卡掘坑拒守以堵江西官兵進剿後聞崇陽城內大兵  
已至逃過江西界內躲匿被獲等語又獲匪黨胡見賢  
金申元金萬豐金永茂韓紹昌五名或供被脅代匪製  
造火藥鎗子或供幫同賊匪守卡先後押解來省臣查  
前獲匪黨內已有汪金燦卽汪大生一名今現獲之犯  
何以亦名汪金燦是否同名抑係冒混狡詐前犯業已  
解楚無從質究卽胡見賢等各供亦恐有不實不盡自  
應一併解歸楚省質究明確盡法懲辦當卽飭司派委

員弁將各犯分起小心押解赴楚辦理至湖北崇陽通  
城二縣現准湖廣督臣裕泰咨會均經收復前次調赴  
江楚連界各處防堵官兵臣已俱令撤回一面仍責成  
該管地方文武督率本汛兵役嚴加巡緝如有餘匪竄  
匿務卽拏獲解究勿使漏網並嚴禁兵役藉端滋擾以  
仰副

聖主除莠安良至意所有續獲楚省逃匪解歸審辦並  
撤回防堵官兵緣由臣謹恭摺奏  
聞伏乞

皇上聖鑒訓示謹

奏道光二十二年二月十七日奏奉

硃批知道了欽此

籌辦火攻夷船摺

奏爲遵

旨籌辦火攻船隻備赴下游合剿逆夷緣由恭摺由驛  
覆

奏仰祈

聖鑒事竊

臣

於本年七月十一日承准軍機大臣字寄

七月初五日奉

上諭本日據耆英奏逆船西駛漸至浦口儀徵等語現

在逆敵方張儻竟沂流而上深恐擾及沿江各省著安  
徽江西湖北各督撫接奉此旨迅就該處情形酌量或  
備船隻或用木筏及一切火攻器具派委得力文武員  
弁統領兵勇隨時確探逆夷蹤跡一經接到著英咨會  
卽行順流放下層層接應多備槍礮合力攻勦並飭令  
互相援應毋分彼此不但自固藩籬卽鄰境亦藉資保  
衛等因欽此臣查該逆前在海洋疊次滋擾沿海居民  
受其荼毒今又闖入內江肆其猖獗凡有血氣者無不  
髮指眦裂臣前接安徽撫臣咨會該逆闖入京口江面  
當卽酌調贛州鎮屬及九江附近各營兵丁共二千名

飭赴沿江一帶擇要防堵因探報夷氛相距尙遙未敢  
張皇入

告茲欽奉前因自當無分畛域協圖剿辦臣遵就地方  
情形悉心籌酌自宜專備商漁小船計用火攻爲要竊  
計該逆夷夾板大船喫水深而江面難容未敢闖入現  
在江面滋擾之船大約皆其三板若江西皖楚三處能  
以數百小船或分或合圍而焚之必可制其死命至沿  
江購備小船漁艇極爲易事但須召募善能泅水之人  
擇立頭目管帶駕駛其焚之之具柴薪火罐不拘一定  
乘黑夜出其不意從上風焚之儻彼船四散分泊則我



分道圍燒使其彼此不能相顧而我船本係善泅之人  
一俟船接火燃卽各躍水梟回當可得手現在臣已密  
飭委員赴沿江一帶購船募勇預備一切火攻之具並  
密咨湖北安徽各督撫臣一體會商辦理一俟接到  
欽差大臣耆英咨會卽督令順風放下相機會合焚剿  
謹將遵

旨籌辦緣由先行繕摺由驛覆

奏伏乞

皇上聖鑒訓示再現在各屬紳商捐助海疆經費約有  
八九萬兩因藩庫未經收齊尙未具奏請

獎今購船募勇應需口糧經費卽飭司於捐項內動支  
合併陳明謹

奏道光二十二年七月十七日奏奉

硃批依議妥辦欽此

買米運蘇片

再臣前准軍機大臣字寄六月十九日奉

上諭程喬采奏蘇省米商稀少請飭鄰省採買一摺著  
江西省採買米三萬石分批解運蘇省仍俟行抵蕪湖  
時探明前途如有梗阻卽改道由內河前進所需價腳  
由藩庫動項覈實發給作正開銷等因欽此

臣查江西

省向無外來米販如本省豐收可以有餘今歲早稻尙屬中稔惟因頻年被水穀價未能大減若一時驟買數萬石市價恐致增昂自應設法陸續購運臣前准江蘇撫臣抄摺咨會卽已飭屬遵照辦理欽奉前因臣復飭令設法陸續採購次第委員運解既可爲蘇省接濟而本省糧價亦不致因此增昂至下游江路梗阻委員運米赴蘇應由安省蕪湖內河之東壩行走而東壩至蘇州省城均係小河須另換小船盤壩過載深恐雇夫雇船江西委員隔省呼應難靈自應由江蘇省先期派委妥員雇定夫船攜帶米袋腳價至東壩一帶迎護江西

委員運至東壩卽交蘇省委員盤收接運以期周妥至  
應需米價運費遵

旨由藩庫動項給發俟全數運交後核實作正開銷所  
有現在買米運蘇辦理緣由謹附片奏

聞伏乞

聖鑒謹

奏道光二十二年七月十七日奏奉

硃批知道了欽此

恭報起程閱伍摺

奏爲恭報起程巡閱省外營伍緣由仰祈

聖鑒事竊臣於上年七月抵任例應查閱通省營伍其  
時因贛鎮官兵在粵者尙未歸伍而九江鎮官兵又多  
調赴浙江是以未及周閱伏查江西兵丁素本軟弱兼  
之承平日久平時未能認真訓練是以臨敵退縮惟怯  
無能久荷

聖明洞鑒急須大加整頓力挽頽靡臣愚以爲兵之強  
弱雖或囿於方隅然果將領得人精於訓練亦何地不  
可使爲勁旅是欲振厲兵丁先須綜覈將弁正其本而  
後末可治也現在贛鎮各營官兵業經全數歸伍潯鎮  
各營官兵亦均次第撤回亟應周歷查閱嚴行甄核不

獨將弁之年力技藝兵丁之有無老弱虛冒必須逐一  
考校卽各營之器械軍火是否堅利足額亦須抽查盤  
驗難容再任廢弛且本年屆當軍政之期尤須及時考  
察以憑核實舉劾臣前已咨商督臣量爲展限辦理應  
由督臣酌核具

奏刻下臣清理省垣各事除川楚撤防兵勇尙未過竣  
臣已行司飭屬照例妥速應付並派定文武委員沿途  
接護催趲不致延誤此外尙無緊要事件擬卽於本月  
十九日出省先赴贛鎮各營逐加考閱往返約須兼旬  
俟回省後再赴迪北潯鎮各營暨省標各營次第詳考

如有衰庸不職之將弁卽當隨時叅

奏斷不敢稍事姑容致滋貽誤惟期力振因循以仰副  
聖主整飭戎行之至意所有臣出省校閱贛鎮官兵日  
期理合恭摺具

奏伏乞

皇上聖鑒再臣衙門日行事件照例委藩司代印代行  
遇有緊要者仍包封送臣途次核辦合併陳明謹

奏道光二十二年十月十一日奏奉

硃批要在核實認真二語毋忽欽此

吳文節公遺集卷九目錄

奏議

覆奏體察挑夫船戶情形摺

礮位章程摺

籌備火藥片

減半開鑄變通搭放摺

收捐錢文請解南河片

甯都州屬匪徒加等治罪摺



吳文節公遺集卷九

男養原謹編

奏議

覆奏體察挑夫船戶情形摺

奏爲遵

旨體察廣信南安二府所屬挑夫船戶情形恭摺覆

奏仰祈

聖鑒事竊

臣

接准軍機大臣字寄欽奉

上諭御史黃贊湯奏江蘇浙閩港口分開一切客商勢必舍遠就近往福州上海甯波等處江廣兩省窮民無

所藉以謀生必將聚而爲盜請飭設法防範等語江西廣東一帶船戶挑夫向以挑運客貨爲生若一旦失業難保不流爲賊盜著吳文鎔將該御史摺內所稱各情節悉心體察是否確有其事據實具奏等因欽此臣查江西爲南北通衢商貨絡繹將來港口旣分客貨較少此項船戶挑夫或多失業該御史所奏不爲無見臣先亦計慮及此是以上年冬間往南北兩鎮閱兵之便沿途體訪情形已知大概嗣欽奉

諭旨飭查卽經行司並專札廣信南安二府飭弔各行戶簿帳查核各該處每年往來客貨其關涉外夷買賣

貨物約有若干需夫船若干其無關外夷買賣止是內地各省買遷貨物約有若干需夫船若干縷晰稟覆去後茲據該府等詳悉開摺稟由兩司核議彙詳前來臣悉心體察查廣信府所屬之玉山縣爲由江入浙過載馬頭凡自浙南來各貨係由浙省常山縣夫行雇夫挑運其廣東湖北等省暨江西省內地貨物運往浙中者如乾果錫蠟水油紙張藥材等爲大宗雜貨次之以擔計者每年不下三四十萬而由粵運浙專係外夷買賣者惟各種洋貨極多時亦不過四五千箱約計通夷貨物較之內地買遷之貨僅數十分之一是以玉山一縣

每日需夫數百名多或千名全靠內地自相質遷之貨  
卽將來夷港分開而該處傭趁腳夫可以不致失業又  
廣信府所屬之鉛山縣爲由閩入江過載馬頭平時煙  
葉暨零星貨物需夫無幾惟閩中茶市開時需夫較多  
然每年只在夏秋數月有市屆時多係附近鄉夫趕趁  
覓利市過卽各散歸農是鉛山一處如將來夷港分開  
閩中之茶葉稀來卽此間之鄉夫罕至本非常聚當可  
不慮其難散此廣信府屬玉山鉛山二縣之實在情形  
也又南安府屬之大庾縣爲由江入粵過載馬頭凡自  
粵北來各貨係由粵省南雄州夫行雇夫挑運其由江

省運往廣東內地銷售各貨如綢緞棧布藝器藥材紹酒之類每年亦不下數十萬擔均無關於夷港之分否若專涉夷務之湖絲其爲物價值貴而斤兩少需夫亦不甚多惟茶葉一項多時至一二十萬擔合較各貨計用夫三分之一將來閩浙分港茶販減少誠恐挑夫不無失業惟查大庾挑夫本地之人居其半吉安贛州及廣東南雄之人居其半設有行戶有夫頭有保家凡客商貨物到棧行戶代爲雇夫給價寫票送至某處交卸並不派人押送從無失事緣該挑夫等多係來歷明白安分良民保家方肯擔保行戶方肯雇用貨多時並有

近村健婦幫同挑運稱爲女夫是此項挑夫非盡不逞游民也如將來客貨較少其外府外縣者自可散歸其本地有業者可另爲謀生其專藉挑運餬口者尙有別項客貨可挑不至全行失業溯查道光二十二十一等年暎夷在粵滋擾茶販及各貨赴粵者較少致贛關額課均有短絀而此等人夫並未有失業茲事之處此南安府大庾縣之實在情形也至各處船戶亦均設有船行有保家層層防範且船戶以船爲業其船之大者值數百千文小者亦值百餘千文皆係出本謀生之人卽使夷港分開客貨略少而內地之貨遷商旅之運載往

來不絕營趁有資似不至因此而失業爲匪也再據該  
府等稟稱現在各處客商貨物絡繹往來較前尙無減  
少該腳夫等均相安如舊等語臣思此項挑夫人等皆  
係傭力良民現既各安生理似未便逆億其恐爲盜賊  
先事張皇轉滋紛擾臣惟有督飭地方官隨時稽察加  
意慎防倘將來實係貨少人多自應設法安頓其外來  
及有田地者諭令別圖生計其無業者責成行戶夫頭  
妥爲均勻搭雇其強梁藉端生事者查拏究懲總期良  
民有以資生匪徒不致滋事以仰副  
皇上防患安民之至意所有遵

旨體察廣信南安二府挑夫船戶情形理合據實恭摺  
覆

奏伏乞

皇上聖鑒謹

奏道光二十三年二月初十日奏奉

硃批另有旨欽此

礮位章程摺

奏爲新鑄礮位現在妥爲收貯並擬每年輪演章程恭  
摺覆

奏仰祈



聖鑒事竊臣接准軍機大臣字寄欽奉

上諭吳文鎔奏江西省添鑄礮位工竣並督辦道員捐輸經費一摺已有旨准其捐辦矣此項新鑄礮位雖經委員親赴江干逐加演放現在分撥何處如何安置原奏未經聲敘著該撫詳晰查明具奏至礮位久貯一經風雨剝蝕恐多損壞儻不演放日久必有銹澀之虞嗣後應如何輪流出演數尊俾不至日久生銹且令礮手演習嫻熟庶可施放有準足資武備並著該撫妥議章程奏明辦理將此諭令知之欽此臣查江西省前後新鑄大小銅礮共八十五位除撥解安徽十五位應卽存

留該省又上年撥赴九江防堵據該鎮道請留六位存  
貯潯郡外現在省垣實存六十四位因各處城樓及各  
營公所並無閒空房屋堪以收貯曾於上年鑄成後卽  
在臣署西偏箭道左旁隙地建屋七間將新鑄銅礮及  
大小礮架妥爲收貯該處地方乾燥且亦嚴謹無虞風  
雨剝蝕損壞至此項礮位必須輪年演放方免銹澀向  
來江西每年冬季營中例演小礮卽在城外附近洲地  
試放地勢不曠難以致遠臣於上年委員相度省垣對  
江西山之麓有空地十餘里並無民房節次演放礮位  
均在該處甚爲合宜擬請每年冬間禾稼收割江水落

槽之後將省貯銅礮六十四位分出一半勻作三次擡赴該處由臣臨時酌委司道會同營員逐一演放其九江郡留貯銅礮六位臣亦移咨九江鎮臣卽在鎮署妥爲收貯每年由鎮臣親加演試一次以期礮位不致銹澀而兵丁亦資演習再省城各門樓舊存鐵礮及上年在局庫搜出煨燬試放堪用之鐵礮除前後分撥廣東浙江二十四尊外仍存一千斤礮七位五百斤礮二十三位三百斤礮十位共大小四十位現在封貯各城門樓內可蔽風雨亦擬請每冬季分出一半於演放銅礮時一併擡赴對江隨同試放庶新舊銅鐵礮位計兩年

均可輪演一周免致銹壞所有新鑄銅礮現已妥爲收貯並擬定銅鐵礮位輪年演放章程是否有當理合恭摺覆

奏伏乞

皇上聖鑒訓示謹

奏道光二十三年二月二十五日奏奉

硃批另有旨欽此

籌備火藥片

再每年演放礮位除九江存礮六位需用火藥止數十斤應由營自備外省營每次共演礮五十二尊每尊三

出約需用火藥四百斤營中額設火藥有定應卽另行  
籌備又查省營舊存擡礮一百桿上年陞任糧道潘鐸  
又捐製擡礮六十桿臣捐製鳥槍四百桿於各營內無  
論弓箭鳥槍藤牌何項兵丁一體挑出兼習以期得成  
一隊惟此項擡礮鳥槍必須按月按期加功操演庶不  
致有器無人難資精熟而核計按月加操每月以九次  
爲率每年約需用火藥三千餘斤鉛子四千餘斤若責  
令營中勻對應用勢必此操彼歇仍屬有名無實亦應  
另行籌備臣現在飭司設籌間款卽從道光二十三年  
爲始核計每年應需硝磺鉛子實數於下次委員採買

時按數加買發營備用以資操習而收實效是否有當  
謹附片具

奏伏乞

聖鑒訓示謹

奏道光二十三年二月二十五日奏奉  
硃批另有旨欽此

減半開鑄變通搭放摺

奏爲江西寶昌局鼓鑄錢文酌請減半開鑄並將搭放  
成法量爲變通以裕鑄務恭摺

奏祈

聖鑒事竊查江西省寶昌局前因錢價過賤有關兵民生計經前撫臣裕泰於道光十七年間奏奉

諭旨暫停鼓鑄嗣於二十一年間接准部咨欽奉

止諭戶部奏請飭催各省開鑄一摺著各督撫務照每年應鑄卯額迅速開鑄如銀價實有未平著體察情形將卯額奏明酌減等因欽此又經臣體察各屬錢價較之前時有減無增難以開鑄據實奏奉

諭旨仍准暫停在案茲於本年正月內接准戶部咨會奏明請

旨敕下停鑄各省迅卽按卯開鑄所鑄錢文先將文武

養廉以及支放各款各就本省情形均勻酌量搭放因地制宜隨時通變等因奉

旨依議欽此欽遵移咨到臣伏查江西各屬錢價現仍有減無增第自道光十七年

奏請停鑄以來計已五載有餘現既經部

奏請開鑄變通搭放自應遵照辦理惟查江西寶昌局鼓鑄錢文向設六爐每年額鑄二十四卯共鑄錢四萬二千三十八串一十六文內除扣給工料錢六千二百四十一串五百三十六文外實解司庫錢三萬五千七百九十六串四百八十文遇閏加增兩卯計共解司庫



錢三萬八千七百七十九串五百二十文前於嘉慶九年咨准部覆兵餉及文武各官養廉均以一成搭放歷經遵辦在案現在錢價過賤若仍照舊搭放餉銀兵情未免拮据當此整頓營務之際自須量予體恤臣與藩臬兩司暨鹽道悉心籌議所有各營兵餉及額外外委未升應一律暫免搭放其把總以上武職養廉每年共銀三萬二千八十兩應照前次搭放成數酌減二釐改爲八釐搭放至文職養廉比武職較優應卽以武職所減之數移加文職議於原搭一成之外酌加二釐以一成二釐搭放統計通省文職養廉共銀十七萬七千一

百八十兩內除應扣缺曠全半廉銀及應捐司庫墊用  
之剝船工料運費等項於養廉內扣收者均應以銀扣  
還不能搭放錢文又各屬坐支之役食等項解銀領錢  
往返多費難以一律搭放外約計每年文武養廉等款  
止能搭放錢一萬八九千串今若以原設六爐照舊開  
鑄每年應解存司庫錢三萬五千餘串則入浮於出必  
致日積日多虛懸成本且司庫現尙存有前鑄未放錢  
一萬三千四百餘串亦須搭放自應欽遵前奉

諭旨酌減開鑄相應據實奏懇

皇上天恩俯准將江西寶昌局原設六爐暫減三爐先

開三爐按卯鼓鑄每年鑄錢二萬一千一百一十九串零八  
文內除扣給工料錢三千一百二十串七百六十八文  
外實解司庫錢一萬七千八百九十八串二百四十文  
遇閏加增兩卯共解司庫錢一萬九千三百八十九串  
七百六十文酌量搭放庶俾一年所鑄之錢均可搭入  
一年所放之款而前存錢文亦得一併陸續搭放不致  
久懸臣仍隨時察看情形如果錢價得漸平復卽行

奏請照舊增鑄搭放以期圖法流通至開鑄事宜均仍  
循照舊章辦理除飭令趕緊選擇爐頭雇募工匠一俟  
齊集卽行開鑄搭放外是否有當理合恭摺具

奏伏乞

皇上聖鑒訓示謹

奏道光二十三年三月二十二日奏奉

硃批另有旨欽此

收捐錢文請解南河片

再上年各屬士民捐輸海疆經費計共銀一十三萬二千餘兩錢一十四萬五千餘串除兩次奉撥南河工需共銀一十萬兩又上年沿江防堵並遵

旨籌辦合剿事宜

奏明動支陸續發過銀二萬四千餘兩錢一萬一千餘

串外計尙存銀八千餘兩錢十三萬四千餘串同前次  
淮商捐鑄礮位奉

旨停止收貯候撥錢六萬千文現俱存庫聽候部撥  
撥解錢文設道途迂遠則腳費較繁若在本省以錢易  
銀誠恐驟出多錢銀價愈昂虧折較甚因思河工向辦  
大工多需錢文江西至江南河庫一水可通如由水路  
解運運費可以減省所有前項錢一十九萬四千餘串  
可否仰懇

天恩敕下部臣存俟南河工需應行撥款之處酌量飭  
撥卽由江省雇船裝運解往庶腳費省而存錢亦得流

通矣據藩司費開綬議詳前來

臣謹附片具

奏伏乞

聖鑒訓示謹

奏道光二十三年三月二十二日奏奉

硃批戶部議奏欽此

甯都州屬匪徒加等治罪摺

奏爲甯都州及所屬匪徒請援照南贛二府加等治罪  
章程一律辦理以示懲儆而安善良恭摺

奏祈

聖鑒事竊維爲政首在安良而安良必先除暴竊聞南

安贛州二府所屬常有匪徒拜會及搶劫訛詐摺人勒贖等案經前撫臣吳光悅

奏請將應擬充軍流徒等犯均於各本罪上酌加一等定擬以示懲儆奉

旨遵行在案茲查甯都州及所屬瑞金石城二縣或錯壤於贛郡屬縣之中或與閩省聯界匪徒易滋出沒近來搶詐之案亦層見疊出經臣嚴飭查拏計自上年六

月至今據該州縣等陸續報獲五十餘名或結夥搶奪或逞兇訛詐甚或拒捕傷人實爲閭閻之害若不嚴加懲治無以儆兇暴而安善良據藩臬兩司轉據分巡吉

南贛甯道陳士枚稟請

奏明援照南安贛州二府屬辦理章程一律加等治罪  
前來臣覆加體察委係實在情形應如所請嗣後甯都  
州及所屬瑞金石城二縣地方如有匪徒搶奪及逞兇  
訛詐等案俱援照南安贛州二府

奏定章程除實犯死罪及外遣爲奴罪無可加並捆人  
勒贖向照閩粵二省之例問擬均各照舊辦理外其餘  
軍流以下各犯均於本罪上加一等定擬俾匪徒知所  
儆畏仍俟數年後此風稍息再行

奏明復歸舊例所有現獲各案犯卽請照現定章程分



別酌加定擬臣仍嚴飭該州縣隨時稽察認真查拏務期有案必破有犯必獲勿使一名漏網以除兇暴而靖地方臣爲因時懲創起見是否有當理合恭摺奏明請

旨遵行伏乞

皇上聖鑒訓示謹

奏道光二十三年四月二十八日奏奉

硃批刑部議奏欽此